

Aṇwà'ànè Paul a mbô ñghòtê BaGALATIA

NJI'INNŪ AṆWÀ'ANƏ YŪ

A aṇwà'ànè yŭ aa a le ṇṇwà'ànə Paul a mbo ñghòtê boɔ bi Kristo jii mə i le ntswe a nî njo'ɔ ɪla'a jii mə'ɔ a mbu'u Galatia yii mə baRoma le si bu'utə aà. Nî ntoo yĩ ñsigìnə ya a mbô ñghotə ma jŭ aa a le nzĩ Paul n̄zi ni yu, bə ma bŭ bi k̄i n̄naṇsə nzi yi (4.13-15). BaYuda b̄i mə'ɔ bi le nzĩ n̄swonə ni a mbo bə a mŭm ñghotə ma jŭ mə bo b̄it̄izi Nwĩ b̄ii mə bi mbii Kristo aa, bi tswe n̄i ṇka yònə n̄i n̄on̄sə Moses, ṇk̄ii ṇghirə n̄i ìnnù jii mə'ɔ jii mə n̄on̄sə à le si lòò aà (4.9,10,21). Bo le ntswe n̄i mbii tá bi ṇetə waa, tá bo k̄ii nləə n̄i ṇjwi jii mə'ɔ bo bi b̄isàn, ntsuu njoo jii mə'ɔ mə i le ṇwa'a laa nyonə a ni n̄on̄sə aa k̄i ji. Ṇḡāṇd̄i'ìnù ma jŭ le si swon̄ ni mə mbə bo tsuu a n̄on̄sə k̄i yònə, ṇghirə n̄i ìnnù jii mə bo le si d̄i'ì aa bon̄ kaa mbə Nwĩ a wa'à waa yweensə. BaYuda ma bú le ṇk̄ii n̄swonə ni mə kaa Paul à le ṇwa'ă ṇgàṇntoo yĩ ànnù n̄ikon̄ b̄ē; kaa n̄too yĩ ñsigìnə ya mə à le si swonə aa, kaa i wa'à k̄i ṇku'unə. Aā ànnù yii mə a le ṇghirə Paul a ṇwa'ănə aṇwà'ànə yŭ aà.

Paul à n̄an̄sə ntsyà aa a n̄i àṇwà'ànə yulà n̄swon̄ a ajàn yii mə Kristo, a n̄j̄im n̄too yĩ ñsigìnə ya, a fi'i b̄ē b̄ii bi n̄in̄ n̄t̄i waa ghu nu aa, a ndābù'ù, ṇketə m̄in̄k̄irə m̄ii mə n̄on̄sə à kw̄erə waa ghu aà (5.1). N̄tigə n̄naṇsə n̄to'ɔtə atu ànnù yii mə a tswe ghu nlon̄ ilon̄ aà. Nwĩ, n̄lon̄ ibon̄

tî ndùu yi wa, a yweense bē ñghirē ànnū yaa a tsinē a nsi mi'i yu nyonē aa tsi'i a nĵim àbĵintĵi, kaa wa'ā aa nĵim ifā'a nyonē nōnșē bē. Yesu à lē kwo a atu ati, mĵii ndòò nōnșē ya aa nlon ģkwĵtū bē bĵi mē à lē zĵi a nyweense aā (3.13-14).

Paul à lē à tigē lògē ibĵinū yi yumbōn nĵi àlēnsē, figitē ajān mē Kristo à lē kētē minĵirē mi nōnșē yĵi mē yu lē si yōnē a mbĵi aā. Nòò yĵi mē yu lē mbĵi a Kristo aā yu lē kwo bo yu Kristo yumbōn, Kristo a tigē ģkwetē nii a mŭm ñtswēntĵi yu, àkòrē nĵi yi a tigē mbē yĵi mē Nwĵi a lòò aā (2.20-21). Nswon mē Nwĵi à lē ntoo Mŭ yi Kristo aa mē tâ à zi ntsu'u atū bē bĵi mē bi lē si yōnē nōnșē, i tigē fa abwarē a mbo bo tâ bo bē bōò bi (4.4-5). A mbo bē bĵi mē à nĵi bōò bi Nwĵi aa, a fa nĵi Azwĵi yi yĵi mē ģhirē bi koonē nĵi fĵntā fĵi Azwĵi, ñtigē ñghirē nĵi ñnnū ĵii mē Nwĵi a lòò aā (4.6; 5.22-3). Paul yĵi mē a zi ģĵi'i yĵi mē nōnșē à lē nĵi a nu yu, Kristo zĵi mĵi'i yi ģhu aa, a mĵnșē ñswon mē kaa mbē yu wa'ā nŭ yĵi nĵi àyoo dān bŭ ģka ntswonē ntsyatē annŭ Kristo yĵi mē à lē ģkwo mĵi'isē yi a mŭm ibi mbi, ñghirē mē tâ nōnșē wa mē a tĵi nĵi mē tâ bāa ģnetē nĵi bē aa tâ à tsuu annŭ tsu bŭ bē. Annŭ yĵi wē yĵi mē a tswe ģhu aa à nĵi mē yu tigē àyoo yĵi fĵi yĵi mē Nwĵi à bŭ nnanșē (6.14-16).

Bi yatē àṇwà'ànē yŭ aa laà:

1. Nĵi'i ànnŭ àṇwà'ànē yŭ 1.1-10
2. Adà'à yĵi mē Paul à lē ģkwerē a mbē ñģāntōò Kristo aā 1.11—2.21
3. Ntoo yĵi ñsigìnē ñlon ibōn Nwĵi 3.1—4.31

4. Ajàŋ mə Kristo a kètè mîŋkîrè a nu bè bîi mə bi bîi yîi aa bo bi àkòrè nîzî yaa a mûm ñtswêntîi ma yû 5.1-6.10
5. Innù jîi mə Paul à le nswonə a nlwĩ'isə àà 6.11-18

Paul a tsà'atə nghotà baGalatia

¹ Aŋwà'ànè yû a lo aa a mbo mə Paul, ñgàŋntoò Kristo. Kaa a gha aa a le ŋwa'à bê tso'ɔ ntoo bê, kaa bi wa'a gha ki ntso'ɔ ntsya aa a mûm mbo ñu tsu bê. Lâ a gha aa a le ntso'ɔ tsi'ĩ Yesu Kristo, bo Taà Nwĩŋgòŋ yîi mə à le nyweensə yi ni nìwo aà.

² Bî'i bi bilim bilim bitsim bîi bî'ibo tswe aa bi too atsà'atə a mbô ñghòtə tsim jîi i tswe a ala'a baGalatia aà.

³ Tá Nwĩŋgòŋ Taà yi'inè ni Mmà'àmbî yi'inè Yesu Kristo fa ibòŋ nî mboɔnə a mbo bù.

⁴ Yesu Kristo ma ghû à le mfa ibîinû yî mbi'i innù jî bi ji'inè mə yu kwerə yi'inè a mbô ñgù'ù yî mbi yûla nî ñkòŋə Nwĩŋgòŋ Taà yi'inè.

⁵ Tá ñgha'a tá ni tswe ghu mbo nlwĩ'i ñŋkonə. Amen.

Ntoo yî ñsigìnè yî mfiùrè yîi bî'inè swonə aà

⁶ A tsya gha mə, kaà àgha'a a burə tì sà'atə, nî burə ñka mma'atə nî ñû yîi à le ntwonə ghuu, ñtsya a ñjîm ibòŋ Kristo aa, ñtigə mbii nî ntoo yî ñsigìnè yî dànə.

⁷ Kaa mə si swonə aa mə ntoo yî ñsigìnè yî dàn i tswe ghu. Lâ bè tswe ghu bîi bi fa ŋgĩ'i a mbo bù, m̃buurə nî itû juu, ñlɔɔ nî ñkwènsə ñtoò Kristo yî ñsigìnè yâ.

⁸ Lâ, mbə bĩ'ĩ tɛ'ɛ, kə angel a lo a aburə nsigə ŋka nswon ntoo yĩ dāŋ n̄tsyatə ya yĩ bĩ'ĩ lɛ̀ɛ n̄tɛ'ɛ mfoo nswonə a mbo bù aa, bon̄ n̄dɔ̀ɔ ɪ tswɛ ghu atũ.

⁹ Ajàn mə bĩ'ĩ tɛ'ɛ n̄swon a mbo bù aa, mə bù ñkwatə nswonə a mbo bù mə, mbə ñu tsu ka nswon ntoo yĩ dāŋ n̄tsyatə ya mə n̄ lɛ̀ɛ n̄tɛ'ɛ mfoo ñkwɛrə aa, bon̄ n̄dɔ̀ɔ ɪ tswɛ ghu atũ.

¹⁰ Ma yũ a finə aa tsi'ĩ tsò mə tigə nloo mə tâ bə beentə gha, kə a n̄ aa mə mə lòò mə Nwĩ beentə gha aa ɛ? Kə mə lòò aà ñghirə mə bə ka ndoritə aa ɛ? Mə bə ki lòò bə mə mə ki ghirə tâ nũ bə ka mbon̄ə bon̄ kaa mə s̄ ñgàñàfà'a Kristo bə.

¹¹ Bìlĩm bā, mə lòò mə tâ n̄ zi mə ntoo yĩ ñsiginə ya mə mə lɛ nswon̄ə a mbo bù aa, kaa ɪ lɛ ñwa'á aa yĩ ñu m̄sɔ̀n̄ bə.

¹² Kaa mə lɛ ñki'ĩ aa a mbo ñu kwɛrə. Kaa a lɛ wa'á ñu a mbo mə ki ndi'ĩ. Lâ ɪ lɛ mbàñnə ñzi ntɛyà aa a ñjimə ajàn mə Yesu Kristo yu mbon̄ à lɛ ndi'ĩ a mbo mə.

¹³ Nlon̄ mə n̄ lɛ̀ɛ ñyu'u a ajàn mə n̄tswê yà yĩ m̄bĩ a m̄m ànnu Nwĩ baYuda ɪ lɛ mbə aà. A ajàn mə mə lɛ s̄ ñan̄sə ntso'ɔ n̄ àkòrə ñghotə Nwĩ tsi'ĩ n̄ m̄t̄t̄, n̄loo n̄ mə mə burə bwesə tsi'ĩ bwèsə.

¹⁴ Mə lɛ ntɛyàtə ñkèè yà a m̄m ànnu Nwĩ baYuda tsi'ĩ n̄tsimə, ñnan̄sə mfa ibiñu gha a nyon̄ n̄on̄sə bità bi bitaà bi'ĩ.

¹⁵ Lâ nòò yĩ mə yu wa yĩ mə à lɛ n̄tɛ'ɛ mfoo ntso'ɔ gha mbon̄ tâ bi jwe gha à lɛ ntwon̄ə gha ntɛyà a ñjim ibon̄ yĩ,

¹⁶ ñdoritə mə yu di'i Mû yĩ a mbo mə, mə mə tigə ŋka nswəŋ ntoo yĩ sigìnə ya mbi'i ŋgaa yĩ a mbo bi'tizi Nwĩ aa, kaa mə le ŋki'i adi'itə a mbo nù mīsōŋ maa noò kwerè;

¹⁷ kaa ŋki'i kɔ'ɔ ŋghɛɛ a Yerusalem a mbo bè bii mə bi le mfòò mbə ŋgǎŋntoo Kristo ti mə aà. Mə le mbàŋnè nlo ŋghɛɛ gha a ala'a Arabia, ŋghirə mbù ntigə mbii a Damascus.

¹⁸ Hlòò i kà mē aa ntsya ji tarə mə kɔ'ɔ ŋghɛɛ a Yerusalem a ŋghantə Cephas, ntswe bi'iyu njwi nìghûm ntsò ntaà.

¹⁹ Lâ kaa mə le ŋki'i gha ŋgǎŋntoo Kristo wa yĩ tsù yə ntsyàtə Jems yĩ mə à ni muma bi Mmà'àmbi aà.

²⁰ (A mûm innù jû mə mə ŋwà'ànə a mbo bù aa, a nsì mi'i Mmà'àmbi, kaa mə si innù tswɛɛ.)

²¹ Mə le ntigə mbu nlo ghu ŋghɛɛ a mbù'u Syria ni Cilicia.

²² Kaa ŋghòtə Kristo jya jĩ i le ntswe a Yudea aa kaa i burè ti nsĩ gha zĩ.

²³ Bo le si yu'u aa tsi'ĩ yù'ù bi swonə ni mə, “Nù wa yĩ à le si tso'ɔ akòrə yi'inə aa a tigə nseensə annũ abiintii mà ya mə à le si lòò a bwesə aà.”

²⁴ Bo le si tigə ŋgha'asə nĩ Nwĩ mbi'i ŋgaà yà.

2

Annù Paul bo bi ñgǎŋntoo Kristo jĩ mɔ'ɔ

¹ Hlòò i tsysà mē nìghûm ntsò ji nìkwà, mə bù ñkɔ'ɔ ŋghɛɛ fu a Yerusalem bi'i Barnabas. Bĩ'ĩ kà mə aa ŋghɛɛ aa, nlogə Titus bi'ibo ghɛɛ.

² Mə le ñkɔ'ɔ ŋghɛɛ aa ajàn mə Nwĩŋgòn à le ndi'i a mbo mə aà. Mə kò'ò mē ŋghɛɛ, ntsi'i

bìtsyàsè, a tswê tsi'í bí'ibo, mè nôn̄sè n̄too yí ñsigìnè ya mè mè lè si swon̄ a mbo bì tizí Nwí aa a n̄si bo tá ghìrè mè ifà'à gha yí mè mè lè si fà'à aa, n̄i yí mè bùrè k̄i fà'à aa, tá ì tsuu a dàn̄è dàn̄è t̄syà.

³ Kaa n̄u tsu à lè ñk̄i'í Titus yí mè bí'iyu lè n̄tswe aa gaansè mè tá bì ñetè yí ka mè à n̄i n̄u bàGrikia laa aà.

⁴ Ka mè bè bí m̄o'ò lè ñka n̄lòò mè bì ghìrè yí'í n̄i ìbù'ù aa, bè bí m̄o'ò bíi mè bì lè ñe'esè ñkuu a titi bí'í, m̄bagilè n̄i mè bo n̄i bìl̄m bí'í a n̄jim Kristo, ñkuu aa mè bo bè tsi'í tsó bìtswèrè, mè bì yè ajàn̄ mè bí'í t̄swe n̄tswê yí'í kaa ànnù yí tsu a wa'à n̄i yí'í kwerè, n̄lon̄ ajàn̄ mè bí'í t̄swe n̄i ànnù yí m̄o'ò bí'ibì Kristo Yesu aa,

⁵ lá kaa bí'í lè wa'ă ñgòò a mbo bo bíi a n̄i m̄u àt̄i noò bē, ta lèò annù n̄ñkon̄ yí mè a t̄swe a m̄m n̄too yí ñsigìnè ya a mbo bù.

⁶ Bè bya mè bì lèntè n̄i waa tsó bìtsyàsè aa, (mè swon̄ laa n̄lon̄ mè kè m̄bè bo bè bìtsyàsè kè ñgan̄, kaa ma ya a s̄i annù tsu a mbo mè bē. Kaa Nw̄ngòn̄ à si bē lentè nyòn̄è aa a n̄i ñk̄ir̄è yàà). Kaa bo lè ñwa'a annù yí f̄i yí tsu a mbo mè d̄i'í.

⁷ Bo lè m̄bàn̄nè nyè bē mè, bì fà mè n̄too yí ñsigìnè ya mè mè gh̄e n̄i yu a mbo bìt̄n̄ètè, tsó ajàn̄ mè bì lè ñk̄i m̄fa a mbo Peta mè à gh̄e n̄i yu a mbo bìt̄n̄ètè aà;

⁸ (n̄lon̄ mè n̄u yí mè à lè m̄fa m̄ida'a a mbo Peta mè tá à gh̄e ñka m̄fa'a a mbo bàYuda aa, à k̄i m̄bè yu mè à fa m̄ida'a mè tá mè gh̄e ñka m̄fa'a a mbo bìt̄izí Nwí aà.)

⁹ Ajàn̄ mè Jems n̄i Cephas n̄i J̄on, bíi bì lè m̄bè

ntə'ə ndânwĩ maa noò aa, le nyə ibòn yĩ mə Nwĩ à le nghìrə a nu bĩ'ĩ aa, bo le ntigə mfa abo nì mè nì Barnabas n̄tsa'atə yĩ'ĩ ghu a ndì'ĩ mə bĩ'ibo fà'a aa àbo mɔ'ò, n̄tigə mbeentə mə tâ bĩ'ĩ ghɛɛ a mbo b̄t̄iz̄i Nwĩ tâ bo baɲnə nghèè a mbo baYuda.

¹⁰ Annù yĩ mə bo le mbù n̄naɲsə wa'atə a mbo bĩ'ĩ aa a bə mə bĩ'ĩ ka n̄lentə ɲgàɲəfumə j̄i i le tswe a tit̄i ɲghòtə aà. A tɛ'è m̄bə annù yĩ mə mè le si naɲsə ɲwa'atə a nghìrə.

Paul a le wenə Peta a ala'a Antiokia

¹¹ Nòò yĩ mə Peta à le nz̄i a ala'a Antiokia aa, mè le nghàantə yĩ a tit̄i bə n̄lon mə a le mfè'è n̄laa mə à le nghìrə annù a wa'à kù'ùnə.

¹² Nlon mə mbɔɲ tâ bə bĩ mɔ'ɔ b̄i mə Jems à le ntoo aa b̄i zi, à le si j̄inə bo b̄i b̄t̄iz̄i Nwĩ. La nòò yĩ mə bə bya le nz̄i aa, a tigə n̄tsu'utə n̄i waa nlon mə à le si bɔ'ɔ bə bya mə b̄i t̄i n̄i ànnũ ɲètə bə aà.

¹³ B̄il̄m b̄i'ĩ b̄i mɔ'ɔ b̄i b̄i le mbə baYuda aa b̄i le n̄lòḡinè n̄tigə mbaḡilə tsi'ĩ tsɔ Peta. Tsi'ĩ Barnabas à le ɲk̄i n̄tigə n̄lɔɔ mə yu k̄i baḡilə yòɲə n̄i waa.

¹⁴ Nòò yĩ mə mè le nyə mə kaa n̄ghàà nyaa n̄i le ɲwa'à tsinə nlon annù n̄ɲkonə ntoo yĩ n̄siḡinè ya aa, mè le nghàà a mbo Peta a nsi bo, m̄betə yĩ mə, “Wò yĩ mə ò n̄i ɲ̄u baYuda m̄baɲnə n̄tswe n̄i n̄tswēnt̄i yò tsi'ĩ tsɔ t̄iz̄i Nwĩ, kaa ɲk̄i'ĩ tswe aa tsi'ĩ tsɔ ɲ̄u baYuda, mbə ò tigə ɲgaansə b̄t̄iz̄i Nwĩ mə b̄i ka n̄tswe n̄tswēnt̄i yàà tsi'ĩ tsɔ baYuda aa mə akə aa ɛ?

BaYuda bo bîtîzî Nwî ka yî yweenə aa a n̄jîmê àbîintîi”

¹⁵ Bî'inè bîi mə bî'inè nî baYuda bî jwe jwe, kaa ŋkî'î bə “ŋgǎŋghîrənnù jî bî, bîtîzî Nwî” bə,

¹⁶ bî'inè zi mə Nwî a ghîrə annù ŋû a tsinè a nsi mi'i yu ntsya aa tsi'î a n̄jîmê àbîintîi a nu Yesu Kristo. Kaa bi si aa n̄jîm ŋghîrê innù jîi mə nòŋsè a lòò aa tsyà. Bî'inè kî mē mbii Kristo Yesu mə tâ Nwî a ghîrè innù jî'inè tsinè ntsya aa a n̄jîm àbîintîi a nu Kristo, kaa ŋkî'î bə aa a n̄jîm ŋghîrê innù jîi mə nòŋsè a lòò aa tsyà. Nlɔŋ mə bî'inè zi mə kaa mbə bi wa'à ghîrè mə tâ innù ŋû tsinè a nsi mi'i Nwî ntsya aa a n̄jîm innù jîi mə nòŋsè a lòò aa.

¹⁷ Ajàn yîi mə bî'inè lòò mə tâ innù jî'inè ì tsinè ntsya a n̄jîm àbîintîi a nu Kristo aa, mbə bi yə mə bî'inè kî mbə aa ŋgǎŋghîrê innù jî bi tsi'î tsǒ bîtîzî Nwî, a tigè ñdî'î aa mə Kristo àà ñgàŋàfà'à innù jî bi aa ɛ? Kaa mbə a wa'a mə aa ajàn bə.

¹⁸ Mbə mē bu nlògìnè ñka mbəɔ nî nòŋsè wa mə â ɛ mfòò ñsa'a tsi'î mē aa, boŋ mē aa dî'î ibiinnù gha aa tsi'î tsǒ ñù yîi mə a wò nòŋsè.

¹⁹ Nlɔŋ mə, ntsya a n̄jîm nòŋsè, mē ɛè ñkwɔ a mbo nòŋsè mə mbə mē tswèntîi a mbo Nwî.

²⁰ Bi ɛè ñkweentə gha a ati bàŋnè bàŋnè bi'î Kristo, kaa si mē bə mə mē bù ntswe nî ntswentîi yà, à nî Kristo mə a tswe ntswèntîi a mûm nu mē. Ntswèntîi yîi mə mē kî ntigə ntswe nî yu a mûm ñjyǎnu aa, mə tswe aa a mûm àbîintîi a nu Mu Nwî yîi à ɛ ñkòŋè gha, mfa ibiinnù yi ñlɔŋ ñkwitû ghâ àà.

21 Kaa mè si aa ibònɔ Nwĩ wa bwesə, nlonɔ mə bi bə ki ghìrè tâ innù n̄u aa ntsinə a nsi mi'i Nwĩ n̄tsya aa a n̄j̄m nòn̄sə bon̄ Kristo à lɛ ɲkwə aa a atú àdàn̄è dān̄è.

3

Annũ nyu'unə nòn̄sə bo annũ ab̄iint̄i

1 Woe, itirè baGalitia! A ghuu aà a fùmsê wò aa ε? Tigə bi lɛè n̄nan̄sə ɲkɛ'ɛnə a mbo bù n̄i n̄si n̄i n̄si a laa, ajàn̄ mə bi lɛ ɲkwèèntè Yesu a ati bān̄n̄è bān̄n̄è aa ε?

2 N̄i ləə mə betə ghuu tsi'ĩ n̄i àbetè yúlà. N̄i lɛ ɲkwɛrə Azwĩ Nwĩ n̄yon̄ə aa a n̄j̄m ajàn̄ mə n̄i lɛ si ghìrə innù j̄i mə nòn̄sə a lòò aa kè n̄i lɛ ɲkwɛrə n̄yon̄ə a ajàn̄ ȳi mə n̄i lɛ nyu'u n̄too ȳi n̄sigìn̄ə ya mbii aa lɛ?

3 N̄i laa n̄j̄nt̄è bə laà aa ε? N̄i lɛ nlògìn̄ə annù a m̄m Azwĩ n̄tigə nlòò m̄n̄sə a m̄m n̄j̄ānu aa mə akə aa ε?

4 Innù j̄i ghà'atè j̄i n̄i lɛ nyə aa, i tsya aa àdàn̄è àdàn̄è aa ε? Mbə a bə ȳi mə i tsya aa adàn̄è dān̄ə bon̄,

5 N̄u wa ȳi mə a fa Azwĩ yi a mbo bù, ɲkii mfa'a n̄i innù j̄i ȳeyerə a tit̄i bù aa, a fà'à aa nlon̄ mə n̄i yu'unə n̄n̄sə kè nlon̄ mə n̄i yu'ù n̄too ȳi n̄sigìn̄ə ya mbii aa ε?

6 N̄i wa'atə annũ Abraham. “A lɛ nn̄i n̄t̄i yi a nu Nwĩ, Nwĩ a tigə n̄lògə yi tsi'ĩ tsɔ̄ n̄u ȳi innù j̄i i tsinə a nsi mi'i yu.”

7 Ma mùu ajàn̄ n̄i yə mə àa bè b̄i mə bi tswe n̄i àb̄iint̄i aa mə à n̄i b̄o bi Abraham.

⁸ A mbïi mbïi nìghàà nì Nwî nì lɛ nghìrè a nanɣsè nìlaa mɛ Nwîngòŋ à ka yî ghìrè tâ innù bîtizî Nwî tâ ì tsinè ntsya aa a nîmɛ àbîintii. Nwî à lɛ ɲkà'à a mbo Abraham a mbïi mbïi nswon mɛ, “Mè ka yî tsyá a nîm wò ì nîŋ mbɔɔnɛ a nu bè bî itoò ì tsimè.”

⁹ Ajàn mɛ Abraham à lɛ ntswe nî àbîintii Nwîngòŋ a nîŋ mbɔɔnɛ ghu nu aa, ɲù ntsin yî à tswe nî àbîintii aa, Nwîngòŋ àa kîi nîŋ mbɔɔnɛ ghu nu tsî'î maa ajànɛ.

¹⁰ Bè bîi mɛ bî tɛ'ɛ atû yaa a ɲka mfà'a bɛ annù yî mɛ nòŋsè a lòò aa, bo tswe aa a mûm ndòò, nlon mɛ bî ɲwa'anɛ a mum aɲwà'ànɛ Nwî mɛ, “Ndòò a atu ɲù yî mɛ kaa à si a mûm innù jîi mɛ bî ɲwa'anɛ a mûm aɲwà'ànɛ nòŋsè aa tsî'î tsim lwî'î, kaa wa'à kîi nghìrè aà.”

¹¹ Tsîtsòŋ a laa mɛ kaa mbɛ innù ɲù ì kî'î tsinè a mbo Nwî nyonɛ aa a nîmɛ ajàn mɛ a yu'unɛ nòŋsè. Nlon mɛ bî ɲwa'anɛ a mûm aɲwà'ànɛ Nwî mɛ, “Nù yî mɛ innù jî ì tsinè ntsyá a nîmɛ àbîintii aa, à ka yî tswe ntîi.”

¹² Lâ kaa nòŋsè kaa à sî a nî ànnù tsu a nghìrè nî àbîintii tswé. Bî baɲnɛ ɲwà'ànɛ aa bɛ mɛ, “Nù yî mɛ a ghìrè innù tsim a ajàn mɛ nòŋsè a lòò aa, à ka yî tswe ntîi ì tsyá aa a nîm nòŋsè.”

¹³ Kristo à lɛɛ ntsu'u atû yî'inè a nî ndòò nòŋsè ya a atu bî'inè, a ajànɛ mɛ yumbɔŋ à lɛ mbɛŋ ntigɛ ndòò nlon ɲgaà yî'inè aà. Nlon mɛ bî ɲwa'anɛ mɛ, “Ndòò a atu ɲù ntsim yî à jèŋnɛ a atu ati aà.”

¹⁴ Kristo à le nghirè ma yû aa mæ mboonə ya yîi mæ Nwĩngòŋ à le ñkà'à a mbo Abraham aa, tâ bì fa a mbo bìtizi Nwĩ ñtsya a ñjim Kristo Yesu. Tã tâ bì'inè tigə ñtsya a ñjimə abiintii ñkwere Azwĩ Nwĩ ya mæ Nwĩngòŋ à le ñkà'à aà.

Nòŋsè bo bì ñnnù jii mæ Nwĩ à le ñkà'à aà

¹⁵ Bìlím bá lèə mæ logə a figè a ñî ànnù ñû mîsòŋə, kaa mîbê bè biinə annù, ñwarə akàà ghu, bəə boŋ kaa mbə yî mò'ə a wa'ă annù ya kwensè kè ñku'usə.

¹⁶ Nwĩngòŋ à le ñkà'a ñnnù jya aa a mbo Abraham bo bì a mbo mù yîi à le mfè'è ghu ñgwè'è aà. Kaa aŋwà'ànə Nwĩ a sì swonə aa mæ, “bo bì a mbo bəə bi” a ndi'i mæ à ñî bə bi nnò. Bì bəŋnə ñghaa annù aa ñlonə ñû yî mfuurə, “Bo bì a mbo mù ghò”, ñû ma ghú a bə aa Kristo.

¹⁷ Annù yîi mæ mæ swonə aa a bə aa mæ, Nwĩngòŋ à le ñwarə akàà bo Abraham, ñka'a mæ yu ka lèə akàà yá. Nòŋsè wa mæ bì le ñka nghirə aa, le boŋ ilòò i tsyà mæ ñkhì ji ñikwà ñî mighum mi ntare aa, kaa mbə a kî'i ñgi'i wa ñî àkàà ya ta, mîbwesə ñkà'à Nwĩ.

¹⁸ Ñlonə mæ mbə a bə yîi mæ Nwĩ a fa njoo a mbo bə nyonə aa nòŋsè, boŋ kaa à si aa ñkà'à yî ya bù nyonə. Lâ bì'inè zi mæ Nwĩ a fa njoo nyonə aa a ñjim ñkà'a ya mæ à le ñkà'à a mbo Abraham aà.

¹⁹ Ifà'à nòŋsè i tigə mbə aà àkə aa ε? Bì le ñkù'usè nòŋsè aa mæ tâ à ka nghirə tâ bə aa nzi ñnnù jî bì, a kî ñtswe ñî ñtswe ñghε nywe'e wa noò mæ mu Abraham wa yîi mæ ñkà'a ya i le ñtswe ñlonə ñgaà yî aa à ka zî aà. Bì le si fa

nòɲsè waa a mbo bangel ɲù mèsòɲ a tigè ntəə a titii bangel bo bi bə.

²⁰ Lá kaa bi si ɲù titii bu nlòò nlon mə annũ ɲkà'a ya aa a ghìrè ɲù yĩ m̀fùùrè, Nwĩ yĩ mə a ghìrè aa a bə aa tsi'ĩ yù yu yĩ m̀fùùrè.

Nji'ĩ ànnù yĩ nòɲsè à tswe ghu aà

²¹ A tigè ndi'ĩ aa mə nòɲsè a ligìtə aa ɲkà'á Nwĩ aa ɛ? Nɲaɲ, kaa a sì ma aa ajàɲ bə. Nlon mə à laa bə mə nòɲsè mbə a ghìrè bə tswé bitii bəə bon mbə bi ghìrè ànnù bə a tsinə ntsya a nɲĩm nòɲsè.

²² Lá àɲwà'ànə Nwĩ a swon mə mbĩ ntsim i tswe aa mum m̀dà'à mi innũ jĩ bĩ. Maa ajàɲ m̀təɲnə mya mii mə Nwĩ à le ɲkà'á, ntsya a nɲĩm abiiintii a nu Kristo Yesu aa, bi fa aa a mbo bə bii bi bii aà.

²³ Mbɔɲ tâ nòò abiiintii wa zi, nòɲsè à le mfi yì'inè tsi'ĩ tso ɲgǎɲtsaɲ, nyu'utə nĩ noò wa yĩ mə bi le ɲghìrə annũ abiiintii a fɛ'è nlaa aà.

²⁴ La a bə mə nòɲsè à le si bu'utə nĩ yì'inè mbɔɲ tâ Kristo à yì nzi. Mə tâ bi tigə ɲghìrə tâ ànnù yì'inè tsinə a nsi mi'ĩ Nwĩ ntsya a nɲĩm abiiintii.

²⁵ Tsĩtsòɲ, ajàɲə annũ abiiintii a zi mē aa, kaa bĩ'inè sì bú ntswe aa a ɲji'ĩ mikòrə nòɲsè.

²⁶ Nlon mə a mum Krito Yesu, bù bitsim tigə mbə aa bɔɔ bi Nwĩ ntsya a nɲĩm abiiintii.

²⁷ Nlon mə bù bitsim bii mə bi le mmurə ghuu a ɲkì a mum Kristo aa, nì mà'à mē Kristo a nu bù.

²⁸ Kaa kwensə à sì a titii ɲù baYuda bo bitizi Nwĩ bù ntswe. Kaa kwensə à sĩ a titii abù'ù bo

ɲù yĩ à sɪ bù'u bə aa bú ñtswe. Kaa kwensə à sɪ a titii ɲumbânɲè bo mǎngyè bú ñtswe. Nlon mə bù bɪ tsim nɪ tigə mbəə ɲù yĩ mǐfùurə a mum Kristo Yesu.

²⁹ Mbə a bə yĩ mə nɪ nɪ bə bɪ Kristo, bəə bon nɪ bə aa bɔɔ bɪ Abraham, mbə biɲibindā bi, ajàn mə Nwĩ à lɛ ɲkà'à aà.

4

¹ Lâ, ɲjînda yĩ mə à bùrə nɪ mûŋkhə aa kaa sɪ bônɲtə ñtsya abù'u ka mə njoo taà yi tsim i nɪ ji aa,

² ɲlon mə à tswe nɪ ñtugitə yĩ a lentə nii bo bɪ ɲù yĩ mə a lentə njoo ji jya i ywe'e noò wa yĩ mə taà yĩ à lɛ nlèə mə bɪ kaa fa joo jyá tsim ghu mbo aà.

³ Aâ ajàn yĩ a kɪ mbə nɪ bĩ'inè aà; nòò yĩ mə bĩ'inè lɛ mburə bônkhə aa, bĩ'inə lɛ ɲkɪ mbə ibù'ù a mbo ɲzwĩ jĩi mə i lɛ sɪ sa'a mbi aà.

⁴ Lâ nòò à lɛè ɲnanɲsə ɲku'u, Nwĩ a too Mû yĩ, mǎngyè a jwê yi, njwe yi aa mûm nònɲsə,

⁵ mə tâ à zi ntsu'u atu bə bĩi mə nònɲsə à lɛ sɪ bu'utə waa, mə tâ Nwĩ à tigə nlogə yi'inè nɪ bɔɔ bi.

⁶ Tsĩtsònɲ, a ndi i mə nɪ nɪ bɔɔ bi, Nwĩ à tòò mə Azwĩ Mû yĩ a kuu a mum mĩntii bù ñtigə nyə'ə nɪ mə, "Taà! Taà ghà!"

⁷ Ma mùu ajàn, ò tsyà mə a ɲjĩm Nwĩ kaa wa'ă abù'ù bú mbə, ñtigə mu, mbə yĩ ò nɪ mu aa, ɲkɪ ntigə mbə aa ɲjîndā.

Ajàn mə Paul à lɛ sɪ wa'a innù ɲlon ɲгаа ba Galatia aà

⁸ Wa nòò yïi mæ kaa nì lɛ ɲwa'à Nwĩ zi aa, nì lɛ mbə aa ibù'ù a mbô ìzwĩ mbi jù jĩi kaa sì bĩnwĩ bə aà;

⁹ la tsĩtsònɲ mæ nì zĩ mē Nwĩ aa, kè mæ Nwĩ à zĩ mē ghuu aa, mbə nì tìgè m̀bu ɲka nlɔɔ mbũ mbĩi ɲghèɛ a mbo ìzwĩ tĩ àdà'à jya mæ ì ka nsa'a ghuu aa mæ akə aa ɛ? Nì bù ǹlɔɔ a mbə ibù'ù jya aa ɛ?

¹⁰ Nì ba'atə nləə nĩ n̄jwi, b̄isànɲ, b̄inòò, bo b̄i ìlòò!

¹¹ Mə bɔ'ɔ mæ mē lɛ ɲghènsə noò ghà m̄fa'a a atu bù aa tsi'ĩ àdànɛ d̄ànɛ.

¹² B̄ilĩm b̄a, mē bu'ù m̀bo a mbo bù, nì bə tsǒ mē, maa ɲghē mē tìgè mē ɲki mbə tsi'ĩ tsǒ bù? Ɔ yĩ ywe'e tsĩtsònɲ, kaa nì s̄ĩ annù a mbo mæ f̄ansə.

¹³ Nì zi mæ a lɛ ɲghìrè n̄ghòò mæ mē swon ntɔo yĩ n̄sigìnə ya a mbo bù wa noò n̄tsyamb̄ĩ.

¹⁴ Ka mæ ànnù n̄ghòò ya ya a lɛ mbəɲ ntìgə akwà'ànə a mbo bù aa, kaa nì lɛ ɲwa'à gha ka nfoonsə kè n̄tsa'a, nì lɛ mbàɲnə ɲkwɛrə gha tso angel Nwĩ, kè tsi'ĩ tsǒ Kristo Yesu yumbɔɲə.

¹⁵ Maa nòò nì lɛ sì nan̄sə ndoritə a nu mē, n̄idore mà nya nì ghèè mē aa fə aa ɛ? Mē nĩ àyəfə mæ nì lɛ mbaa nzi ntwe'e mi'ĩ muu bon̄ nì lɛ ntwe'è m̄fi'i m̄fa a mbo mē.

¹⁶ Mē tìgè mē mbə aa ɲgàɲk̄ib̄āa ghùù n̄lon mæ mē swon̄ə ànnù n̄ɲkon̄ a mbo bù aa ɛ?

¹⁷ Bə bya bi t̄i n̄i ànnũ yuu mbwe'esə aa ghuu mæ nì bii n̄j̄im yàà, kaa wa'a lòò aà ɲghìrə ìbòn̄ a nu bù, bi lòò aà m̄fàatə yĩ'inə, ta nì t̄iɲə mbeentə waa.

¹⁸ A bon̄ə a ɲka nt̄i a n̄i ànnù ɲũ mæ mbə bi t̄i lòò aa ɲghìrə ìbòn̄ ghu nũ, a ku'unə a ɲghìrə ma

la aa a ηγòη bìnòò bitsìm, kaa ki'ì aa tsi'ĩ noò yïi mē mē tswe bi'inē aa bē.

¹⁹ Bòò ba bïi mē kòηē aa, mē tigē mbē aa tsǒ mǎngyē yïi mē à tsìgē mu aà, ñyu'u nî ñyanē nywe'e nòò yïi mē bù ka yi tigē tswe nî mārē Kristo aà!

²⁰ Mē yè'ètē mē bon mē laa ntswe bi'inē tsìtsòηē, tǎ zi ajàn yïi mē mbē mē kwensē ñjì yà, ñlon mē àtù ya a buurē nlon ηgaà yùù!

Alènsē Hagar bo Sarah

²¹ Swon nē ghā, bù bya bïi mē nî lòò mē nòηsē ka mbu'utē ghuu aà, nî yu'u annù yïi mē nòηsē a swonē aa ε?

²² Bi ηwa'anē mē Abraham à lē ntswe nî bōò mbāηnē bi baà, yï mǒ'ǒ a bē mû àbù'ù, yï mǒ'ǒ kaa a wa'à mû àbù'ù bē.

²³ Bi lē njwe mû àbù'ù wa aa tsi'ĩ ajàn yïi bi jwe bōò bitsìmē. Lā mu mǎngyē wa mē à lē wa'ǎ abù'ù bē aa, bi lē njwe nyonē aa ajàn mē Nwĩ à lēè m̄foo ηkà'à aà.

²⁴ Bi figìnē aa annù nî ànnù bāηgyē ma bú. Bàηgyē ma bú bi baa bē aa ìkàà ji baà. Yï m̄fùùrē à lò aa a nta'a Sinai, njwe nî bōò bïi mē à nî ibù'ù aà. Mǎngyē ma ghú a bē aa Hagar.

²⁵ Hagar à tēē aa a nî nta'a Sinai wa a ala'a baArabia, ntsusē aa Yerusalem tsìtsòη yïi à tswe a ndābù'ù bo bì bōò bi aà.

²⁶ La Yerusalem wa yïi a tswe a aburē aa, kaa à si a ndābù'ù tswē, àa yu mbē ndē yi'inē.

²⁷ Nlon mē bi ηwa'anē mē,
“Ka ndoritē mbǎ àfirē mǎngyē yïi kaa à lēè wa'à jwe aà.

Lògìnə ɲka ntɔɲnə mba wô yïi mə ò lɛɛ ɲwa'ă
 mu tsìgè ɲyu'u nyanə aà;
 ɲlon mə bɔɔ bi mângyè wa mə bi lɛ si mmè'ènə
 ni ghu aa, bi ghà'ă mē
 ɲtsyatə bɔɔ bi mângyè wa yïi mə à yò'ɔ ntswe a
 ndândoo aà.”

²⁸ Tsítsòɲ, bɔɔ bi maà, bǐ'inə, tsi'ĩ tsǒ Isaac, bə
 aa bɔɔ bii mə Nwĩ à lɛ ɲkà'ă aà.

²⁹ A ki mbə tsítsòɲ aa tsi'ĩ a ajàn mə a lɛ mbə
 maà noò aà. Mu wa mə bi lɛ njwe tsi'ĩ a ajàn mə
 bi jwe bɔɔ aa, à lɛ si tso'ɔ akòrə mu wa mə bi lɛ
 njwe ɲtsya a ɲjĩm mĩdà'ă mi Azwĩ aà.

³⁰ La ɲìghàà ni Nwĩ ni swon aa mə akə aa ɛ?
 “Furə abù'ù mângyè ya bo mû yĩ wâ. Wa mû
 àbù'ù wa mbə bo mu mângyè wa mə à si abù'ù
 bə aa wa'ă nda jĩ.”

³¹ Ma mùu ajàn bɔɔ bi maà kaa bǐ'inə si aa bɔɔ
 bi abù'ù mângyè bə, bǐ'inə bə bɔɔ bi mângyè yïi
 kaa à si abù'ù bə aà.

5

Kaa mu Kristo à si abù'ù bú mbə

¹ A ɲghɛɛ a ɲĩ ànnũ mbə abù'ù, Kristo à kètə
 mē mĩɲkìrə mi abù'ù a nu bǐ'inə, mə tâ bǐ'inə
 tsuu ibù'u bú bə. Bǐ'inə təə ntii ntsuu bú lògə
 iko'ɔ abù'ù i ɲiɲ a tɔɲ bǐ'inə.

² Yê ɲi, mē Paul, mə swonə a mbo bù mə ɲi bə
 mà'atə mə tâ bi ɲetə ghuu, bəə bon kaa Kristo à
 si ghuu ɲĩ ànnũ tsu burə ɲkwetə kwetə bə.

³ Mə ku'usə mbù nswon a mbo bù mə ɲi ɲtsim
 yïi à ghɛɛ bi ɲètə yi aa, à tswe ɲi ɲləə ɲòɲsə wa
 tsi'ĩ ɲtsimə.

⁴ Bù bya mē ni lòò mē tâ ànnū yuu a tsinē bu bì Nwĩ ñyonē bē a nǽm nònṣè aa, nì kwyènē mē ghūu bu bì Kristo, mǽ'ε ghūu a mūm ìbòṅ Nwĩ.

⁵ I ghèε nì bǽ'inē, bǽ'inē bē mē Nwĩngòṅ à ka nghìrē innū jǽ'inē tsinē i tsya a nǽm mǽdà'à mǽ Azwĩ yǽ, nyon a nǽmē àbǽintǽ yǽ'inē.

⁶ Nlon mē a mum Kristo Yesu, kē bi nǽtē ṅū, kē bi wa'à yǽ nǽtē bon kaa ma yā à sǽ nǽ ànnū tsu tswē. Annū yǽ tǽnsē à laa mbē àbǽintǽ yǽ mē a fa'à ntsya nì a nǽmē àkòṅnē.

⁷ Nì kǽ sǽ ghìrē tsi'ĩ sigìnē a tigē mbū kinē wo ṅkinē ghūu mē nì tsuu annū nǽkon kǽ yu'unē aa lē?

⁸ Kaa ajàn mē bi twèē ìmòòntē juu aa, kaa sǽ Nwĩngòṅ mē à lē ntwonē ghūu aa twèē.

⁹ Bǽ'inē zǽ mē mǽbè'ē àbāa i bē tsi'ĩ mu lǽ mǽbanē mǽ'ε ṅkyā àbāa ntsimē.

¹⁰ Mē nànṣē bǽ mē, a nì ikūm Mmà'àmbi kaa nì ka wa'ǽ annū ṅū dàn bǽ ntsyàtē yā. Tā ìsa'a Nwĩ i kuu a nu ṅū wa mē a fa ṅgǽ'i a mbo bù aà, kē ṅgàn à laà nte'ε mbē aa wo.

¹¹ A nghèε a nǽ ṅgāa yā bilīm bā, mbē mē ghèε nǽ mǽbǽ bu ṅka nswonē nì mē annū nǽtē bē à nì annū yǽ mē bi tswe nì nghìrē, bon baa bǽ tigē kǽ tso'c akòrē ya aa a ya? Mbē a bē maa ajàn bē bon annū yǽ mē mē swonē annū nlonē abànē abànē Kristo aa, kaa à ka wa'ǽ ṅgǽ'i bù mbē.

¹² Mē kòntē mē bē bya mē bi fa ṅgǽ'i a mbo bù aa, tâ bì nanṣē tsetē idigē nū jyaa.

¹³ Nlon mē Kristo à lē ntwonē ghūu mē nì fē'ε a ndābū'ù mǽbā bilīm bā. Lā nì tsuu tigē lògē abwarē mà ya a ṅka nghìrē innū nǽyānu ghū.

Tâ nî banɲə ntsyă a nĵim akòɲnə ɲka mfa'a nî a mbo bù nî bù.

¹⁴ Nlonɲ mə mbə bi lwensə nòɲsə wa ntsim nî nìghàà nî fùùrə mə, “Ka ɲkòɲə ndim ghò tsi'í tsó ajàɲ mə o kǒɲ ibii nú gho aà.”

¹⁵ Mbê nî banɲə ɲka nloontə nî ghuu, ɲkii nləənsə ghuu bu nî bù, nàà ntsyesə ghuu bon nàa bwɛəsə ghuu bu nî bù.

Annũ Azwĩ bo annũ nɲyǎnú

¹⁶ Annũ yĩ mə mə swon a mbo bù à nî mə, nî ka ntəə akòrə nizĩ yuu a mûm Azwĩ tá nî wa'à kà ɲghirə aa bê innũ jya mə nɲyǎnú yùu i yè'ètə aà.

¹⁷ Nlonɲ mə innũ jĩi mə nɲyǎnu i yè'ètə aa, i tonə bo bi innũ jĩi mə Azwĩ a yè'ètə aà. Innũ jĩi mə Azwĩ yè'ètə aa, i kii ntonə bo jĩi mə nɲyǎ nu yè'ètə aà. Nlonɲ mə, nɲyũnu bô Azwĩ tswe aa tsó ɲgàɲkibàà, ɲkinə nòo mə ò wa'ǎ annũ tsu ka ɲghirə yĩ o lòo ɲghirə aà.

¹⁸ Lâ mbê Azwĩ Nwĩ a ka ntsyasə nòo, bon kaa ò sǎ aa a ɲji'í mikòrə nòɲsə bú ntswe.

¹⁹ Innũ jĩi nɲyǎnu i ghìrə aa i laà: Mbə annũ ajirə, mbə annũ nsin, ibuurənnũ,

²⁰ innũ mmii mɲɲkobə, innũ bîsòrə, kibàà, àyòɲ, àghè'ə̀nə, àlwĩntɔɲ, ànnũ nlɔɔ tsi'í àyoo ànnũ, ànnũ nyàtə bə, ànnũ a ntswe a nĵim nĵim,

²¹ ɲghè'ə̀nə njoò bê, ànnũ nno mbaanə, annũ ntii a niji bô mbuu innũ ma jũ. Mə bù ɲwa'asə nî ghuu tsó ajàɲ mə mə lɛɛ mfoo ɲwà'asə a mbĩi aa mə, bə bii bi ghìrə ijǎɲ innũ ma jũ aa, kaa baa yĩ wa'ǎ a mûm ànnũ nifò Nwĩ kuu.

²² Lâ fîntà fî Azwĩ Nwĩ bânɲè m̀bè, àkòɲnè, mbè nìdorè, mbè mbɔɔnè, àtànɲentii, àbòɲentii, ɲghìrè innù jĩ sɪgìnè, ɲka mfa'a nì n̄t̄ii gho tsim,

²³ ɲka mbɔnè, n̄i n̄tswâ ìb̄iinu. Kaa nònɲsè yĩ dàn yĩ a tuu ma jũ innù aa kaa à s̄i b̄è.

²⁴ Bè b̄ii à n̄i b̄i Kristo aa, b̄i kwèentè m̄è n̄jyǎnú yàà a ati b̄anɲè b̄anɲè bo b̄i ɲgònɲ innù tsim j̄ii i lòò ɲk̄ii nyè'etè aà.

²⁵ Tsò m̄è b̄i'inè tswe n̄tswènt̄ii ȳi'inè a m̄um Azwĩ aa, tâ àkòrè n̄iz̄i ȳi'inè â k̄i n̄tswe a m̄um Azwĩ.

²⁶ Tâ b̄i'inè tsuu n̄i ànnũ ɲɲee nu tswe, n̄tsuu n̄i m̄intɔɲ m̄i'inè b̄i'inè b̄i'inè k̄i t̄wèbè, n̄tsuu n̄jòò j̄i'inè b̄i'inè b̄i'inè k̄i ghè'ènè.

6

N̄i kaa ɲkwetè n̄i ghuu bu n̄i bù n̄i àbè'è

¹ B̄il̄im b̄a, m̄b̄è ɲù ȳi mò'ɔ a t̄it̄ii bù a ka ɲghìrè annù ȳi b̄i, bù b̄ii m̄è n̄i naɲsè n̄tswe n̄i Azwĩ Nwĩ aa, n̄i tsisè ȳi a n̄i m̄an̄j̄i ȳii m̄è à b̄ònè. N̄i t̄i ghìrè n̄i k̄i ɲka n̄tsyèsè n̄i ghuu m̄b̄i'ì b̄i k̄i ɲkwa'anè ghuu.

² N̄i ka ɲkwetè ghuu bu n̄i bù n̄i àbè'è tâ lwensè n̄òɲsè Kristo.

³ Nlɔɲ m̄è mbè ɲù tsù a t̄it̄ii bù a wa'atè m̄è yu n̄i àyòò tsu la m̄baɲnè mbè ayoo adànɲè dànɲè bɔɲ a b̄we'esè aa t̄si'ĩ ìb̄ii n̄u ȳi.

⁴ A ku'unè m̄è tâ ɲù ȳi mò'ɔ ȳi mò'ɔ tâ à lentè if̄à'â ȳi, b̄elè m̄è i bɔɲ bɔɲ mbè a k̄a n̄t̄erè nlɔɲ if̄à'â ȳi w̄a, lâ kaa ɲk̄i'ì k̄a m̄f̄iginè b̄è bo ɲù ȳi mò'ô.

⁵ Nlon mə nù ntsim à tswe nì mbè'e yi yîi a bè'è aà.

⁶ Tâ nù yîi mə bi dî'i nighàà ni Nwî ghu mbo aa, tâ à kii nyatə nî njoo jî sigìnə jîi mə à tswe nî ju aa, mfa nî jî nû wa mə a dî'i nii aà.

⁷ Nì tsuu ibiinû ghuu ki bwe'esə bē. Wa mbə nì wa'ă Nwî bwe'esə. Nù ntsim à ka yî fù'ù aa àyoo yîi mə à bè aà.

⁸ Nlon mə nù yîi mə a bè nlonə aa nnyănû yî aa, àa yî kii fù'u niwo a mûm nnyă nû yî. Tâ nù yîi a bè nlon aa Azwî aa, tâ à fu'u ntswëntîi yîi mə ì lwî'i nîjkon aa a mbô Azwî.

⁹ Tâ bî'inə tsuu ki kaa a nghirê ibon bē, nlon mə nòò à ka yî kù'u tâ bî'inə fu'u mə mbē bî'inə tsuu bōrə.

¹⁰ A ku'unə mə ajàn mə bî'inə tswe nî àbwarə aa, tâ bî'inə ka nghirə ibon a mbo bè bì tsim, lâ nnanşə nka nghirə a nu ngăngwê'ê jî'inə a mûm àbiintîi.

Nîghàà ni Paul nî tinsə nii à lwî'isə ghu aà

¹¹ Nì yə ajànə mə mè nanşə nŋwà'ànə yuà àdîgê ànŋwà'ànə tsi'î nì àbô ya nì mi'î mi ànŋwà'ànə mî fànkè aà.

¹² Bè bya mə bi lòò ndî'i nu, nŋgaansə nî ghuu mə bì njetə ghuu, tă ki kwêe ntîi waa a ni mînnù mi nnyănu aa, bi ghîrè maa ajàn aa mə tâ bì tsuu akòrə yaa ki tso'ɔ nlon annû ati abàŋnə àbàŋnə Kristo.

¹³ Nlon mə, tsi'î bè bya mə bi lèè njetə waa laa, kaa bi si a nŋşə yu'unə. Bo bàŋnə nìlɔɔ mə tâ bì njetə ghuu aa tâ bo ka nŋee nû yàà mə nì yòŋə nŋşə nnyănu mà ghû.

¹⁴ A ɲghɛɛ a ni mɛ, kaa mbɛ mɛ tɛ'ɛ wa'ǎ nũ yà ka ɲee, mɛ mbɛ tsuu bɛ aa nlon aa ɲgaa ati abàɲnɛ àbàɲnɛ Mmà'àmbi Yesu Kristo, yĩ mɛ bi lɛɛ ɲkweentɛ mbi ghu a mbo mɛ, ɲki ɲkweentɛ gha ghu a mbô mbi aà.

¹⁵ Nlon mɛ kaa ànnũ ɲɛtɛ ɲù à sɛ ayoò tsu bɛ, ànnũ ti ɲɛtɛ ɲù kaa ki'ĩ ayoò tsu ki mbɛ, a bàɲnɛ mbɛ ajàɲ yĩ mɛ Nwĩngòɲ à bu naɲsɛ njoo i tigɛ mbɛ jĩ fii aà.

¹⁶ Tã m̀bɔɔnɛ Nwĩ nĩ ɲko m̀lɪɲnɛ Nwĩ, tã i tswe a mbo ɲù ǹtsim yĩ mɛ à zĩ akòrɛ nĩ zĩ yi nyonɛ nĩ ma ghuù ǹoǹsɛ aa, ɲki ǹtswe a mbo baIsrael bɛ bi Nwĩ.

¹⁷ Tsĩtsòɲ tã ɲù tsuu ɲgi'i a mbo mɛ bũ ki fa, nlon mɛ mɛ tswe nĩ àwenɛ Yesu a nu mɛ.

¹⁸ Tã ìbɔ̀n ɲgàɲmà'á yĩ'inɛ Yesu Kristo tã i tswe a mbô àzwĩ yuu mbá bilĩm bã. Amen.

Bafut
Bafut: N̄toò Kristo yî N̄sigìnè: m̀kàà yî mfì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 19 Dec 2025 from source
files dated 26 Apr 2025

5d039b4a-c9a1-50b1-8a61-176cf48aa271